


柳塘外集二卷

英菟廿歲抄本

丙申夏芝堂揮汗記



此拜經樓舊藏鈔本柳塘外集二卷與四庫館所收四卷本不同抄手甚舊余所蓄清初鈔本往類此二十日前借燕北行道出津門過東門寶林堂書肆買得估人告四年前余曾見此書還價未諧今終得歸余此事余亦幾淡忘之矣然故紙因緣巧合類此者亦往有之至可喜也此以此行所收舊本僅此一冊尚是四年前可見以是知書市寥落之狀不禁慨然挾書歸滬錄下作記

甲午十月廿二日 芝堂



得此本後三月更於吳下收拜經樓抄本吳禮部別集有老林朱筆批跋者重表之并儲之也

柳塘外集者宋南渡僧無文道璨之所著也寶慶
間師住薦福既又住開先五年還薦福所著存銘
贊記序雜文若干篇皆鈔本予丁亥遊廬山偶獲
繙閱不及錄錄其詩凡百二首以歸按西江詩自
黃魯直陳師道潘大臨以下共二十六人謂之江
西宗派柳塘詩識議超卓不龍故常或亦宗派中
同岑異苔者歟子懼其寔久失傳因校刊備宋人
之一齋柳塘屬豫章澤昌邑地多陶姓五柳先生
後也今猶聚族居焉師亦其裔故以柳塘自名集
云江都張師孔書

柳塘外集卷上

宋江西饒州薦福寺沙門釋道璨無著

陪山泉登芝山和文正公舊韻

培塿視崔魏眼高如許哉舉頭天在上四而景皆
來漸老成多病看山又一回盡供詩世界霽色為

君開山東無家國

水月軒

江水清無底江月明如洗開軒挹清明道人清若
此春風不搖江面波春雲不載江頭雨天地無塵
夜未央照影軒中惟自許我來風雨夜漫漫水月

俱忘無表裏笑拍闌干問阿師水在月兮月在水

題物初蕙蘭

花短秋意長神清顏色少筆端有西風國香來未
了

仙東海棠洞

領客坐花陰飲客酌花露先生自家春八荒一牖
戶妻其望前修一枝閱世故鶴車來不來東風吹
日暮

野水橫舟

望之一葉輕即之萬鈞重天風吹不去世波搖不

動送盡千帆飛濟川已無夢月冷蘋花秋此興白
鷗共

月窟以上三題為徐竹堂吟

鑿開渾沌竅豁見天地根舉瓢酌桂棹引足蹈崑
崙湛然一精明身外無乾坤我欲從之遊雲深入
無門

蘭溪夜泊

我泛浙西船夜泊蘭溪岸蓬窓坐不眠縣鼓鳴夜
半橋上趁墟人往來徹清旦辦此朝夕勞不博一
日飯復擅睡正煖閉戶有人嫌夜短

贈觀妙道士

妙處不可觀可觀非是妙杳杳無方所冥冥無朕
兆我觀三十年力盡不能透及其會心時欣然惟
一笑碧桃開晚花黃鸝轉春書大哉衆妙門老子
親傳授

題源虛叟廬山行卷

胸中有廬山筆下有廬山窓下有廬山眼中有廬
山別山十七年見山一日間韻險落鬼膽語妙破
天慳永懷看山人恨不同躋攀摩娑青石硯負山
良厚穎天風幾時來乘之欲西還

題於潛西菩兼山閣

參寥受業

青山在屋頭易見甚難識如玉有碎氣如土有正
色平生萬里眼付此千丈壁雲行山欲動雲深山
更碧動止同一機兼處貴自得心外無青山身外
無周易安得識山人倚闌論未畫

題會稽孫竹閣望梅亭

梅梁在屋東梅溪在屋西舉頭東西望古意入雙
眉彼溺猶已溺彼饑猶已饑皇皇聖人心萬世同
一機誠明與物欲方寸分町畦火然而泉達充擴
無邊涯禹亦何人哉勉之宜及時

和雨岩吳提刑奉母夫人雨中登魯公亭
白髮照黃花薄晚散幽步何年乘五雲來自三神
嶼膝下于載人富貴等儒素西風天地秋細雨江
城暮酒酣拍闌千憂時起愁思懷哉平原公孤忠
乃吾與重此一臂力日月容易去

喜雨呈梅石趙都大

久旱天地焦酷出秦法外一雨中夜來漢兵起豐
沛萬物皆吐氣昭蘇脫厄會憂國有夫人愛民如
子輩心香徹九闕化為雲霓生意一萬里直在
方寸內老農相與言曉晴坐牛背

寄題瑞昌簿廳景蘇堂墨竹

有序

東坡自黃移汝別潁濱於高安過瑞昌亭子
山題字石厓點墨竹葉上至今環山之竹葉
葉有墨點王非麓主瑞昌簿移植廳事扁其
堂曰景蘇蓋簿廳東坡夜宿地也

一葉復一葉世道幾翻覆一點復一點書牋要接
續親見長公來一節不^轉曲見竹如見公非麓能
不俗回首庶豐間幾人愧此竹翰墨直枝葉點化
到草木長公有深意此事付北麓

和卧龍招隱吟

孔明卧龍在南陽朱晦菴卧龍在廬山

武岳與晦翁千載兩名流各以一臂力能鎮百世
浮神遊天地間或為山阿留心期有佳人駕言寫
幽憂水流巖花開山空明月秋桂樹影團團乳鹿
鳴呦呦薦菊秋盈筐酌茶花滿甌兩翁來不來徘徊
駐歸駒

和梅邊汪提幹

我夢稽山陰茂林映修竹鑑湖八百里眼看不盈
掬管領天下清此樂梅邊獨幾欲驅車去雲根夜
同宿山空秋月明安期未可卜蓬萊水清淺褰裳
同往復徑謁蔡少霞不待青童覆共草新宮銘調

高語圓熟

和童敬重

空山水葉下坐觀不二門茶香舌本甘直探天地
根兩袖江海風眼前見夫君十年戎馬間未廢詩
與文逐祿士之常一廉減萬想六經在日用論說
漫深廣躬行能尺寸光焰長萬丈世波易溺人外
此無保障

潛上人求

菊山

具即號菊山秀色已衰朽潛即號菊山清香滿襟
袖天地一東籬萬古一重九絕愛陶淵明攬之不

盈手後人不識秋多向籬邊守燦燦萬黃金把玩
豈長久西風容易老回首已如帚因潛憶具卽有
淚如苦酒

送愿上人過雪竇兼呈弁山

去年無準死今年癡絕喪二老百世師一去空天
壤玉磬與天球滿耳皆新響堂堂萬鍾鼎橫列乳
峰上愿也天台來雙眉擁青嶂要見乳峰人不作
行後相碧樹明秋花吹香上藤杖長松四十圍懸
水一千丈到門相見時為我問無恙

雪菊

山泉圃中有雪菊盛雪乃開今歲雪止再作
猶未開也山泉有詩次其韻

大雪凍不死秋風吹不開詩大天地間受得一氣
欲生意在根本肯逐陽和回要從梅花遊一笑霜
雪堆六花已飛舞槁悴如根黃下有返魂香英英
死不摧老仙造化手妙處能奪胎喚醒萬黃金桃
李皆奴儕對花酌老仙高致誰能陪東籬有佳人
萬此招不來

坐圓常江天軒 謀 西江示衆語

三洲相接連斷處直如割中洲二十里平沙淨如

刷雲開天四垂雨晴山一抹綠波三萬頃乞與漁翁撥納之窓戶間道人巧點綴我來不忍去倚闌腕欲脫草青烟冉冉柳靜浪聒聒天風駕滄海奔突不可遏忻然見此翁句險眼能活溯流欲從之水深春岸濶

紀夢

我不識靈溪夢向溪邊去溪邊屋頭流橋通溪上路軒窓面水開水清石無數煮茶僧請詩茶香竹當戶花箋暈淺紅霜毫脫毛兔引筆信手書波峭含韻度置筆喜語客眼明失沈痼夢覺秋滿房殘月挂庭樹病眩二十年萬花舞深霧夢中能楷書以我心念故人生孰非夢百年等是寓便欲驅車去傍溪縛茅住但恐秋雨來溪深不可渡

贈明侍者

好詩無音律至又難言說學之無他術先要心路絕兀坐送清書萬事付一拙如是三十年大巧自發越萬象赴陶冶百怪乞提挈興來忽運筆妙處無前哲古來翰墨士外此別無訣明也江南來俊氣方烈烈乘潮窺海門入越探禹穴須從言外參莫向紙上竊此方吾所秘為子輕漏洩慎勿語俗

子只可自怡悅

吳太清有遠役以詩寄別次韻

宇宙入八窓芙蓉製衣裳
兩眼挂萬古深柱書傳
香筆端膚寸雲要作天下涼
餘事亦演雅簸弄正
未妨顛倒走百怪陸離羅象芳
氣焰壓牛斗何止
萬丈光笑他兒女曹
白首空茫茫秋風三尺劍
塵土壓下方斫却月中桂
及此鬢未蒼我欲援非斗
酌以椒桂採文章於此道
泰山一毫芒洙泗到伊
洛波瀾正泱泱多少溯流人
褰裳復回翔孰知方
寸間一葦直可航
勉哉吳夫子此事當毋忘

踏雪下雲居山宿崇壽寄草堂

別山三十年見山
雙眼碧山靈喜我來
一笑作戲劇縱橫
萬花舞變亂山頽
色圭壁拔地起自
在羣玉國去興紛
莫留下足深沒膝
凍合坡長短石礙
路歌側躋攀脚未
穩失勢落數尺平
生江海屐常患天
地窄立處貴穩實
取道貴徑直只要
緩步行不在多用力
祇以到為期半塗
肯休息須更到山
趾坦途隨意適回
看行路處倚天立
青壁極愛山上雲
長年抱幽石耐得
許多清一夜遙相
憶

和郭澹溪

秋氣入我窓秋風吹我棠可人溪上來語妙齒頰
香餘味徹肝肺散作六月涼苦吟有天知不知正
無妨譬如藁生蘭無人亦自芳明珠遺我把爛爛
照乘光疾風駕滄海世波正茫茫老氣蓋九州老
眼隘四方黃塵暗長淮蒹葭色蒼蒼醉草馬上檄
舉瓢酌天椽雲開帝星明妖慧收光芒長江底樣
平鷗閑水泱泱照影東湖濱矯首看橫翔釣竿拂
珊瑚涼意滿歸航到海得明月寄我母相忘
送西苑徑上人謁深居馮常簿求寺記

西苑寶峰麓占地寬一弓梵放殷青冥與峰相長
雄鬼域何方來色舉歸提封樓鐘不敢鳴僧趨鄰
寺鐘徑也鐵石姿直欲箋天公天高不可叫虎豹
守九重六年長安道往來如飛蓬雲開日正杲死
草生華風青山復入手盡掃狐兔蹤魚鼓發新響
松桂還舊容掘地尋泉源鋤荒理菊藂桃李一家
春萬古無異宗玉色十丈輝秀潤淨磨龍天書付
誰氏千載深居翁他年來讀碑病眼摩朦朧為碑
三夕留臥聽寒崖松

和蕭恭山韻贈相士李月齋

心明於月過於月廣寒有殿無城闌不須更服九

轉丹目光射人如月寒凌烟閣上公
居像未必肩無山字樣玉川地上
埃風臣未必文章非此人口眼
分明天不夜輸與月齋擅聲價

和滄洲尚書送坦上人

貂蟬換却章甫冠十年出入鷓行間
天門九重虎豹惡手携諫踪歸掩關
白鷗浩蕩滄波濶冷看諸公治三窟
庭院無人春日長尚記向來頻往復
平生眼裏無機雲建安餘子不足吞
別起枝葉見本根

根

滄洲語

上人將底酌公恩

題饒德操闕子長蕪芝詩軸

郭家墓田土花碧輪茵蕪芝大盈尺
淋浪兩淚種得成不識春風生長力
晴雲練練依遙岑霽月炯炯懸崖陰
苦心實竹誰賞識青雲重疊黃泉深
兩翁落筆九天上發揮潛德光千丈
此卷長留天地間靈芝萬古常無恙

送誠上人

長安城頭秋日黃長安道上秋日涼
遊子念親從定起一納卷雲歸故鄉
七月八月吳楚路十里五里東南疆
遙知子母相見處籬落黃花吹晚香
我母今年六十四千丈白髮應蒼浪
石田茅屋歸未

得西山幾度明斜陽因送君行發深省天地濶遠
愁茫茫他年相尋君勿忘楊柳當門水滿塘

題善住閣

閣前溪水聲潺湲閣外山色空巒岼取之不得舍
不得善住道人如是觀浩蕩春風滿天地飛絮遊
絲無定處去無所至來無蹤善住道人如是住有
所住子成守株魚止灤子鳥棲蘆無所住子成漫
浪空中迹子鏡中像道人一笑瓌琳琅住不住子
吾已忘閑倚闌干春書長眼看白鳥浮滄浪

題和山推篷看梅圖

沙頭寒聲入蘆葦沙際暝烟濕微雨疎花明在樹
梢頭吟身臥在船篷底相看一笑大江橫白鳥不
飛天似水逃禪英骨悶九原楮郎有神呼得起屈
強橫枝不受屈玲瓏孤標淨如洗春風滿面吹不
開冰雪滿身凍不死歲寒心事誰得知大似和山
隱君子我有扁舟蓑笠盟落在吳頭并楚尾挑燈
今夜不成眠免得相尋來夢裏

寄題趙山台蓮花方丈

四壁縱橫都十尺門對若耶溪水碧畫闌漠漠吹
香風綠窻練練浮秋色中有詩家白玉頰飲露沐

芳度朝夕當軒大坐眼波橫只許詩人來入室

和鄭半溪

詞林大人安晚氏筆端有口吞餘子阿戎在傍橫
點頭萬言不直一杯水文詞於道祇毫芒枉勞平
生兩鬢蒼落花植實願自闕

賦張寺丞樗寮

樗寮先生千載士草木有誰同臭味外無刀斧斫
削痕中有冰霜不老氣紅紫紛紛滿上林我自無
心趁桃李蘇秦張儀自縱橫寵辱不驚魯連氏梁
棟峩峩入阿閣我自無心為杞梓杜喬李固自黨

錮網羅不及徐孺子故家喬木百世陰有此孫枝
能蔽芾落去英華植本根深培不朽聖賢事犧尊
青黃互翻覆眼看世事如醒醉願言善保丘壑姿
留取清風在天地

樗寮生日

長庚流輝千文強斗南夜氣浮耿光晉唐以前舊
人物翩然乘風下大荒平生厭官不愛做自歌招
隱山中住後園明月手自鋤多種山前老梅樹歲
寒心事梅花清蒼浪白髮梅花明有時指花對客
道此是吾家雜弟兄上國春風醉桃李過眼紛紛

付流水禁得清寒耐後霜幽獨何曾有如許今年
枝間著子無黃金作窠應累累想見日長庭院靜
時時逸枝如哺雛摘來不用供調鼎且喚麴生相
管領等閑一醉一千年莫遣東風吹酒醒

和余山南僉判清溪觀荷

東風已老南風急浪蕊浮花和露泣翠袖盈盈波
上來相向美人如玉立軒渠一笑俱動容彼此一
樣水雪蹤明珠散不論斛斗清溪化作驪龍宮大
江以東北山北時樣新粧皆失色古心一寸誰得
知江上晚來數峰碧普天之下率土濱容著不盡

胸中春濂溪愛花我愛葉難將此意輕語人探尋
勝處到深杳两眼眈眈天地小不離枝葉見花實
紅白紛紛跡如掃膝間不著無弦琴酒中清濁時
自斟興寄超然八荒內身在水沉香世界綠雲冉
冉撥不開樂地可中能許大中通外直真絕竒一
語能覺千古迷二百年後誰傳衣清溪衮衮通濂
溪

柳塘外集卷下

宋江西饒州薦福寺沙門釋道璨無文著

和陳東廬提幹

髮白為憂時思家日念歸涉春問行李隔歲理征
衣夜雨繡書屋秋風把釣磯丁寧舊童僕拂拭蘇
痕微

和吳山泉知府

亂來誰訪古杖屨竹邊聞小立真堪画閑談亦自
文長翁千載語中允百年墳寂莫廬山下幽尋獨
有君

和馮叔炎梅桂二首

色香俱第一知已是華光風味嫌膚淺精神貴斂
歲一生雖抱獨千古却流芳若論調羹事還他一
日長

風露透枝葉團團翠滿坡但教秋思足不必月明
多騷在誰招隱山空自放歌故家射科手折取莫
蹉跎

和致軒送余魁

眉睫功名氣筆端天地春孰知心念苦祇與聖賢
親味淡有真樂眼高無古人金鑿行夜直坐聽漏

聾頻

哭馮深居常簿

泛宅江湖上蕭蕭兩鬢皤祇知衣可典不厭客來
多文富家安有名高實若何身前身後事令我起
悲歌

致軒趙使君領客及子姪入山即事次韻

戴家湖上寺近市有山林雨足四郊潤雲低盡日
陰竹疎和翠減松老受春深留得行窩住樓頭午
漏沉

和致軒使君午日讀騷

君王愛不均不信問江濱却是一江水能知千載
人仲連寧蹈海百里忍之秦先死依蘭芷還他不
二臣

上安晚鄭丞相三首
相國歸來卧舊山功名雖好不如閑向來非望中
原眼送在滄波白鳥間

清於獨鶴瘦於梅小袖春衫晉樣裁推出柴車人
共指前身曾住洛中來
日食何曾費萬錢只將苜蓿薦春盤俸餘不用肥
奴馬多買青山取性看

迎晦靜湯先生

向來九虎守天關已是無心便出山手裏春風閑
不得又携桃李種人間

寄無聞知侍者

手把黃花語後期孤山雪後早梅時春風不管人
無信又要吹香上北枝

題水墨草蟲

蜻蜓低傍豆花飛絡緯無聲抱竹枝憶得西湖烟
雨裏小園清曉獨行時

過桃花寺懷東叟

主人去後客來過丹竈重重鎖薜蘿滿院碧桃花
寂莫春風不似舊時多

疎山問竹

坐對青青仔細看別來且喜尚平安山中歲晚風
霜惡不易孤標耐得寒

立秋

碧樹蕭蕭涼氣回一年懷抱此時開槿花籬下占
秋事蚤有牽牛上竹來

睡起

青青岸草綠於袍雨後江流數尺高庭院日長春

睡足幽蘭花底讀離騷

秋思

草根無數候蟲鳴月在梧桐枝上明庭院無人過
夜半自携團扇遶階行

國祥齋中晚坐

夜香燒罷欲黃昏風雨瀟瀟懶閉門聽得疎鐘林
外發上方道士正朝元

過舅氏宅

墻頭楊柳老無枝門外新泥淤舊泥因看兒童騎
竹馬憶曾隨母北歸時

超師房

岳桂花開滿院香
青莎葉底有鳴蜩
人家只在西
林住
雞犬聲中又夕陽

悼延慶教僧

燈火青青照夜堂
誦經辛苦蚤年亡
白蓮花發秋
池上誰住池邊舊日房

送薛野鶴子弟過洛陽

秋壑制使

野鶴孤雲宿子園
寫詩阿買已能詩
舊時先友今
誰貴
紅葉花開有牧之

和南屏湯司戶

望斷南屏眼力窮
吟邊不見玉瓊瓏
日長十二闌
千外誰共庭槐一院風

寄題高大清東村

浮花浪蕊易飄零
看著桑麻眼便青
荷鍾歸來春
晝永案頭重讀相牛經

和蔡提幹二首

新吟痛快底能加
八月秋風萬里槎
海上詩家無
行輩分明春雨一池蛙
落盡燈花獨倚闌
四簷風雨夜漫漫
也知憂樂先
天下不是推歎字未安

和吳山泉萬竹亭

風流不減晉諸賢
冰雪精神已稟然
歲晚莫教枝葉盛
聽他明月下青天

陳了翁祠

壻

一窻南日照芳祠
憂國空存兩鬢絲
更化蚤知成紹述
平舟梅不用元龜

和恕齋濂溪書院二首

滿目青山滿面風
誰云太極在圖中
晦翁去後僧來少
苔滿空堂曉日融
洙泗淵源水一溪
薜花綠徧考亭碑
白雲散盡青

山出一卷通書未寫時

和題洪內翰整航

學海無邊心自謀
天風滿棹去還留
慶元以後波瀾小
老却湖邊月一舟

題趙信國墨梅

大耐冰霜老玉關
北風滿面不知寒
無邊生意天難泄
春色教人紙上看

病起和徐處士並寄致軒二首

臥聞開到碧桃花
病起情懷屬自家
報道春風無可得
呼童洗鼎煮新茶

讀易年深眼易花尚餘心力到詩家日長更有幽
憂病臨羅蘭亭品建茶

讀陸雲西志供定城墓有感書呈子勉總幹

三首

汲水傷多井水渾刈葵放手損葵根不能誤國寧
歸去無愧忠宣直下孫

到家差晚兩眉顰直氣輪菌吐未伸却恨青山埋
骨蚤不教眼見洛陽人
一艇東來公已仙午天花柳為誰妍深培根本存
生意把握春風有阿連

和題淵明祠

一寸歸心酒得知門前官道是危機道傍也有人
歸去不似先生真箇歸

和慶兄覽鏡

清癯骨相瘦顧流詩不能工滿面羞鏡裏新愁無
一點却因吟事上眉頭

和紅梅

姑射真人笑臉開肯將頰色浣香腮仙遊曾向桃
源過引得春風上面來

懷舊業

雲滿空階書滿牀
開門對面是清江
多時不看梅花影
開却中庭月一窻

投筆

無心檢點筆頭春
踈懶從教到十分
留取半生揮翰手
岳前無事學耕雲

為鄭子輝賦拙齋

磨盡風波學得欬
全無伎倆口慵開
門前不厭頻來客
要學聰明莫入來

釣臺

漢室興亡一聚塵
山河社稷幾番新
獨餘七里灘頭水
只屬嚴家不屬人

西湖除夜

又來上國看新元
細嚼梅花點冷泉
阿母在家年六十
孤兒為客路三千
身居東海滄波上
心在西山落照邊
碧戶朱門楊柳岸
不知歸日是何年

送松岡黃提幹

人物如公豈久淹
極和平處極森嚴
無心為祿長思去
直道從人肯避嫌
學務躬行惟恐失
貧於未仕不言廉
書邊大有閑田地
有口從今只學鉗

和恕齋吳提刑秋陽菴居

截斷人間名利塵橫塘深碧護新墳昏明不定霜
天月開合無心竹屋雲風雨對牀差可喜乾坤萬
事不堪聞栽松種竹閑功課却為憂時一半分

和鄭講書

楊柳陰陰水一涯無邊天地入窻紗土階過雨苔
生潤竹徑無人草自花聖處工夫期我立吟邊生
活賴成家夜來夢泛滄浪水兩袖天風釣岸沙

賀恕齋除兵部侍郎

面無老色氣精明南海歸來住未成不道山中無
宰相要從恕上做功名雲屯萬騎西風急月浸三

邊夜柝清謀國定知有長算

雛不樹向南旌

和謝君澤題弋陽桃花寺並弔鄭盤翁

一曲清溪十二闌分明常在畫中安千年藥竈和
雲煖五色丹光奪夜寒魂些不來懷石友山居能
久是官葛翁頰色紅如染不信桃花樹上看

和楊在軒劑院

箭下曾親中鶴來一蓑風雨雪川回近詩不逐唐
聲變燕服多依晉樣栽竹屋逢僧閑煮茗梅邊領
客慣行盃終當夜直金鑿去要試平生倚馬才

和君澤謝主簿

掉臂紛紛桃李場，聲名暴耀急收藏。春風未解瞻
頽色，落月常思滿屋梁。太學十年心獨苦，天門一
跡日爭光。弟兄千載詩書澤，染得人間草木香。

和耕道趙制幹與賈秋壑同科

家近芝山傍，淡湖城居清。似隱人廬，凌烟閣上同。
年在光範門前，一字無信口。語言多得忌，謀身術
數不嫌疎。人生要是閑中好，軒冕何須苦見拘。

和騰可趙司戶

可人久別喜逢迎，今坐南窓曉放晴。竹所多時無
此樂，梅兄一笑讓渠清。字如晉樣裨饒韻，詩比唐

人語更精雋。冰韋編有真味，更須今我一盃羹。

賀謝君直新除史館檢閱

久矣常峨豸角冠，未應上綴史臣班。名高自是難
推去，才大如何愛得閑。齋閣不須垂絳帳，精神留
取上蓬山。散人夢落滄江外，白鳥冥冥去不還。

和山泉喜雪

高下隨風自在吹，縱橫萬里急還遲。園林頃刻生
春意，天地中間有此奇。深入重城垂縛鹵，不持寸
刃令行時。夜來竹外深盈尺，凍損梅花人未知。

和春谷趙泉使賀端齋趙憲使喜雪

蕊宮仙子下晴湖剪水桃花更滴酥潔白十分天
下瑞光明一片刻溪園園林春到何嫌早闔闔雲
開不待呼方寸去天纔尺五笑他上界覓元都

和菊隱陳知縣西菴有感

滿地蛩聲夜漏沉山人懷抱可能禁易云太極先
成象詩到離騷落在吟兩眼分明天下事十年出
處月中砧吳家兄弟平生愛學處能窺天地心

和南屏湯司戶

夜窓燈火共論心喜動眉鬢不自禁嶺海五年雙
鬢短乾坤萬事一盃深肝腸疾惡言多真懷抱傷

時老易侵歸路江梅花正發書來定寄短長吟

和雲壑吳衡州

紛紛世事幾昏明作計還山又未成欲學種松消
永日不徒煨芋博虛名雲開衡嶽鵬程濶秋入鄱
湖雁影清也欲摩娑病來眼春風煖處望前旌

和傅處厚

翰墨風流已可人文章不敵五窮靈路當盡處山
方好花到開時葉自零欺我儘教雙鬢短知心幸
有一燈青柴門莫放閑雲入付與春風自在扁

紀夢

予疇昔之夜夢與樗翁共坐南窓翁出所作
詩字韻詩索和及覺能記前六句續之成章
予從翁三十年五帝三王之學二氣五行之
理古今治亂之端彛夏盛衰之數興到劇談
疊疊不已而半語未嘗及詩翁仙去逾年矣
豈以此為欠事故為予修末後供耶予平生
夢中所作詩文不能追憶一語而此詩能記
六句吁亦異矣返念夙昔感慨生死法然書
之

輕雲卷雨過簷牙楊柳池塘
亂蛙四壁月華春
夜永一年風物此時佳詩當澹處工差進心到平
時語不誇睡眠醒來人不見杏花散影滿窓紗

甲午腊月廿五日重裝訖
未燕榭記



